



Broj: 01-36/16
Vareš, 29.02. 2016. godine

Na osnovu člana 14. stav 4. Zakona o eksproprijaciji („Sl.novine F BiH“, broj: 70/07, 36/10 i 25/12), i člana 22. tačka 2. Statuta Općine Vareš – Prečišćen tekst, broj: 01-162/12 od 11.09.2012. godine, rješavajući po prijedlogu Općinskog načelnika Vareš, Općinsko vijeće Vareš, na 34. sjednici održanoj 29.02. 2016. godine, d o n o s i

O D L U K U
o utvrđivanju javnog interesa

- 1. UTVRĐUJE SE DA JE OD JAVNOG INTERESA** izgradnja Područna škola Ligatići-lokacija Mižnovići OŠ „Vareš“, te se u tu svrhu može pristupiti eksproprijaciji nekretnina označenih kao:
 - (dio) k.č. broj 575/1 Palež, šuma u površini od 254 m², upisano u z.k. ulošku broj 255 k.o. Ligatići. Po novom premjeru odgovara parceli broj 9 upisano u posjedovni list broj 9 k.o. Mižnovići posjednik MZ Očevlja.
- 2.** Određuje se da je Općina Vareš korisnik eksproprijacije zemljišta za izgradnju Područna škola Ligatići – lokacija Mižnovići OŠ „Vareš“, označenog u tački 1. ove Odluke.
- 3.** Protiv ove Odluke može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja Odluke. Tužba se podnosi neposredno sudu.
- 4.** Ova Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Zdravko Marošević

Odluka objavljena na oglasnoj tabli Općine Vareš 02.03.2016. godine.

OPĆINSKI NAČELNIK

Kovačević Avdija, dipl.pravnik

O b r a z l o ž e n j e

Pravni osnov:

Članom 14. stav 4. Zakona o eksproprijaciji („Sl.novine FBiH“, broj: 70/07, 36/10 i 25/12), propisano je da Odluku o utvrđivanju javnog interesa za izgradnju objekta ili izvođenje radova na području općine, donosi općinsko vijeće na čijem se području namjerava graditi objekat ili izvoditi radovi.

Općinski načelnik općine Vareš podnio je prijedlog Općinskom vijeću radi utvrđivanja javnog interesa radi eksproprijacije nekretnina označenih kao (dio) k.č. broj 575/1 upisano u z.k. ulošku broj 255 k.o. Ligatići, što po novom premjeru odgovara parceli broj 9 upisano u posjedovni list broj 9 k.o. Mižnovići posjednik MZ Očevlja, radi izgradnje PŠ Ligatići – lokacija Mižnovići OŠ „Vareš“.

Razlog podnošenja prijedloga navodi se da je dosadašnja PŠ Ligatići oštećena u toku 2014. godine zbog klizišta te je upitno dalje korištenje iste.

Na osnovu izvještaja o stanju oštećenosti školskih objekata, Ministarstvo obrazovanja, sporta i kulture ZE-DO kantona je donijelo Odluku o preraspodjeli rashoda u budžetu ZDK Ministarstva finansija, broj: 07/03-02-14-59-2-38-1/15 od 11.11.2015. godine i osiguralo sredstva u iznosu od 67.000,00 KM, na osnovu čega je zaključen protokol u realizaciji projekta izgradnje PŠ Ligatići-lokacija Mižnovići između navdenog Ministarstva i Općine Vareš.

Prema potpisanom protokolu definisane su aktivnosti koje je preuzelo Ministarstvo, a koje Općina Vareš. Ministarstvo je osiguralo sredstva u iznosu od 67.000,00 KM dok je potpisanim protokolom Općina dužna učestvovati u sufinansiranju planiranog projekta u iznosu koji bude prelazio odobreni iznos od strane Ministarstva, a odnosi se na finansiranje pripremnih radova na vanjskom uređenju, građevinskih radova koji obuhvataju zemljane, betonske i armiranobetonske radove, na izradi temelja i temeljne ploče, izrade septičke jame i upojnog bunara kao i plaćanje svih ostalih naknada, taksi, priključaka objekta i tehničkog prijema. Općina je dužna pored navedenog obezbjediti novu lokaciju pogodnu za ovakvu vrstu objekta. Prema urađenoj projektnoj dokumentaciji objekat bi bio montažnog karaktera dimenzija 6 m x 10 m.

Službe za prostorno uređenje i urbanizam je na osnovu stanja na terenu, utvrdila najpogodniju lokaciju za izgradnju nove škole koja bi se gradila u naselju Mižnovići, tačnije u neposrednoj blizini puta - izlazu iz sela Mižnovići prema Ligatićima.

Imajući u vidu da će se realizacijom ovog projekta na planiranoj lokaciji u naselju Mižnovići, Područnoj školi Ligatići, poboljšati uslovi pohađanja škole učenika sa prostora ove mjesne zajednice, predlaže se da Općinsko vijeće prihvati prijedlog i utvrdi da je od javnog interesa izgradnja nove Područne škole Ligatići.

PREDLAGAČ

OPĆINSKI NAČELNIK
Kovačević Avdija, dipl.pravnik